

Headline	Jemaah umrah seluruh dunia hanya 500,000		
MediaTitle	Berita Harian		
Date	13 Dec 2013	Color	Full Color
Section	Nasional	Circulation	138,805
Page No	18	Readership	1,048,000
Language	Malay	ArticleSize	252 cm ²
Journalist	Siti Sofia Md Nasir	AdValue	RM 8,499
Frequency	Daily	PR Value	RM 25,497



Jemaah umrah seluruh dunia hanya 500,000

» Langkah elak kesesakan di Tanah Suci sepanjang Ramadan

Oleh Siti Sofia Md Nasir
✦ Petaling Jaya

Pengelola umrah perlu berurusan secara terus dengan Kedutaan Arab Saudi, di sini, bagi tujuan seperti permohonan visa dan bukannya melalui Lembaga Tabung Haji.

Menteri di Jabatan Perdana Menteri, Datuk Seri Jamil Khir Baharom, berkata ini bagi melancarkan urusan mengerjakan umrah susulan pengumuman Kerajaan Arab Saudi baru-baru ini yang menetapkan bilangan jemaah sebanyak 500,000 orang saja dari seluruh

dunia.

Jangan bagi harapan

“Saya melihat permohonan untuk mengerjakan ibadat umrah perlu diatur selia bermula sekarang. Saya ingin ingatkan semua agensi pelancongan supaya jangan bagi harapan kepada bakal jemaah umrah kerana tiada sesiapa pun akan mendapat layanan istimewa daripada Kerajaan Arab Saudi,” katanya kepada media, di sini, semalam.

Beliau ditemui pada Majlis Kesyukuran Tamat Operasi Haji Bagi Musim 1434H/2013M

bagi meraikan kakitangan Tabung Haji, yang terbabit dalam menguruskan operasi haji baru-baru ini.

Hadir sama, Pengarah Urusan Kumpulan dan Ketua Pegawai Eksekutif Tabung Haji, Datuk Ismee Ismail.

Arab Saudi akan mengurangkan bilangan jemaah haji asing menunaikan umrah ketika tempoh kemuncak Ramadan tahun depan dengan menghadkan bilangan jemaah tidak melebihi 500,000 orang sehari di Makkah dan Madinah.

Keputusan yang diumumkan

kan Menteri Haji, Bandar Hajjar bertujuan mengurangkan kesesakan di Masjidilharam di Makkah berikutan kerja pembesaran di sekitar kawasan itu.

Jamil berkata, Kementerian Pelancongan dan Kebudayaan juga bakal terbabit secara langsung untuk memantau kegiatan penipuan yang membabitkan agensi pengendali pakej umrah.

Katanya, tindakan tegas ini bakal dilaksanakan antara kedua-dua kementerian bagi mengelak sebarang masalah kepada bakal jemaah dan Kerajaan Arab Saudi.



Jamil Khir (kanan) menyampaikan cenderahati kepada wakil agensi kerajaan sambil diperhatikan oleh Ismee (tengah) pada majlis kesyukuran tamat operasi Haji 1434H di Kelana Jaya.

[FOTO KHAIRULL AZRY BIDIN/BIH]